



TRÁMITE DE CONSULTAS NO PROCEDIMENTO DE AVALIACIÓN AMBIENTAL ESTRATÉXICA SIMPLIFICADA

Nome do plan: Modificación puntual das Normas subsidiarias do Concello de Cambados, aplicables ao solo de núcleo rural

Promotor: Concello de Cambados

Órgano substantivo: Secretaría Xeral de Ordenación do Territorio e Urbanismo

Expediente: 2016AAE1870

Código web: 1834/2016

O día 04 de abril de 2016 recibíuse na Secretaría Xeral de Calidade e Avaliación Ambiental un escrito do Concello de Cambados que traslada o documento de inicio para tramitar a avaliación ambiental estratéxica simplificada da Modificación puntual das Normas subsidiarias do Concello de Cambados, aplicables ao solo de núcleo rural.

O documento achegado “documento de inicio Ley 21/2013 para avaliación ambiental estratéxica simplificada”, tiña o contido mínimo que se require ao documento ambiental estratéxico segundo o artigo 29 da Lei 21/2013, do 9 de decembro, de avaliación ambiental. Porén, tivo que ser requirida por este órgano ambiental a solicitude de inicio da avaliación ambiental estratéxica simplificada e o borrador do planeamento, adaptado no seu contido á vixente Lei 2/2016 do solo de Galicia, xunto co documento de inicio en formato dixital. Dita documentación foi achegada polo Concello a esta Secretaría Xeral o 15 de xullo de 2016.

Unha vez avaliada a documentación presentada e considerando que:

- 1 A Lei 2/2016, do 10 de febreiro, do solo de Galicia, integra no procedemento de aprobación dos instrumentos de planeamento urbanístico o proceso de avaliación ambiental estratéxica previsto na Lei 21/2013, do 9 de decembro, de avaliación ambiental.
- 2 O artigo 46.2.a) da dita Lei 2/2016 sinala que deben someterse ao procedemento simplificado de avaliación ambiental estratéxica as modificacións menores dos plans xerais de ordenación municipal.
- 3 A mesma Lei 2/2016 establece que o órgano ambiental, con carácter previo á emisión do informe ambiental estratéxico, consultará as administracións públicas afectadas (entre elas o órgano competente en materia de urbanismo) e as persoas interesadas por un prazo de dous meses.
- 4 Esta Secretaría Xeral decidiu estender as consultas ao público en xeral co obxecto de favorecer a transparencia da tramitación e a participación cidadá, ao abeiro do artigo 83.1 da Lei 39/2015, do 1 de outubro, do procedemento administrativo común das administracións públicas. O apartado 4 do mesmo artigo 83 faculta ás administracións para establecer outras formas, medios e canles de participación dos cidadáns no procedemento no que se ditan os actos administrativos
- 5 A Secretaría Xeral de Calidade e Avaliación Ambiental é o órgano ambiental competente para tramitar os procedementos administrativos en materia de avaliación dos efectos de determinados plans e programas no ambiente, segundo o Decreto 167/2015, do 13 de novembro, polo que se establece a estrutura orgánica da actual Consellería de Medio Ambiente e Ordenación do Territorio.



ACÓRDASE:

Someter a consulta pública na sede electrónica deste órgano ambiental por un **prazo de 2 meses** o documento ambiental estratéxico e o borrador da Modificación puntual das Normas subsidiarias do Concello de Cambados, aplicables ao solo de núcleo rural, con carácter previo á emisión do informe ambiental estratéxico.

No caso de que este órgano ambiental determine que é necesario someter o planeamento ao procedemento ordinario de avaliación ambiental estratéxica, as observacións e suxestións recibidas serán tidas en conta tamén na elaboración do documento de alcance do estudo ambiental estratéxico (artigo 31.2.a da Lei 21/2013).

As observacións e suxestións poderán ser formuladas por calquera das seguintes canles:

- A través do formulario informático habilitado na sede electrónica deste órgano ambiental (<http://cmaot.xunta.gal/programas-con-periodo-de-consulta-aberto>).
- A través do correo electrónico: avaliacion.ambiental.estrategica@xunta.gal
- Mediante fax remitido ao número 981 541 048.

Mediante escrito presentado no registro administrativo da Consellería de Medio Ambiente e Ordenación do Territorio, situado en San Lázaro s/n, en Santiago de Compostela. En calquera dos medios empregados deberá identificarse quen formula as observacións e suxestións (nome da unidade administrativa, ou nome do colectivo, ou nome e apelidos da persoa), facilitando tamén os datos de contacto.

O informe ambiental estratéxico que se formule tras o período de consultas farase público no *Diario Oficial de Galicia* e na sede electrónica (http://cmaot.xunta.gal/tema/c/CMAOT_Avaliacion_ambiental) da Consellería de Medio Ambiente e Ordenación do Territorio.

Santiago de Compostela, 28 de xullo de 2016